

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. प्रधानमंत्री नरेन्द्र मोदी होरें आखेआ जे रियासी च चिनाह रेलवे पुलै पर ते डल झील च तिरंगा रैलिएं कन्नै दिलै च बड़ी मती खुशी दी लैहर दिखने गी लब्बा ऐ।
2. जम्मू कश्मीर असेंबली चुनाएं दे पैहले गेड़ लेई अपने मेदवारें दे नाएं गी मुकदा रूप देने लेई सियासी पार्टियां दिनें—रातीं कम्म करा'रदियां न। कल नामांकन भरने दी खीरी तरीक ऐ।
3. गृहमंत्री अमित शाह होरें आखेआ ऐ नशीली दोआइए थमां हासल पैसे गी आतंकवाद लेई खर्च कीता जा'रदा ऐ।
4. ठौगरें दा बरत यानि जन्माष्टमी अज्ज पूरे जम्मू च पूरी धार्मिक श्रद्धा ते जज्बे कन्नै मनाई जा'रदी ऐ। राष्ट्रपति द्रौपदी मुर्मू ते उपराज्यपाल मनोज सिन्हा होरें इस मौके पर लोकें दित्तियां शुभकामना।
5. पुलस महानिदेशक आर.आर.स्वैन होरें आखेआ जे आतंकवादी असेंबली चुनां च खलल पाने लेई होई सकदा ऐ सुरंगें दा इस्तेमाल करन पर सुरक्षाबल हुंदी कुसै बी कोशश गी नाकाम करने लेई पूरी चाल्ली तैआर न।

<><><><><><>

PM-Tiranga

प्रधानमंत्री नरेन्द्र मोदी होर कलम न की बात कार्यक्रम च दुनिया दे सब्बने शा उच्चे चिनाह रेलवे पुल पर ते श्रीनगर च डल झील च आयोजित कीती गेदी तिरंगा रैलिएं दा खास जिक्र कीता। चिनाह रेलवे पुल जम्मू दे रियासी जिले च ऐ। प्रधानमंत्री होरें आखेआ जिस—जिस नै एह फाटूआं दिक्खियां उंदा दिल खुशी कन्नै भरोची गेआ। ऐसी रैलियां 15 अगस्त थमां पैहले जम्मू कश्मीर दे बक्ख—बक्ख हिस्से थमां कडिडियां गेइयां हियां। उपराज्यपाल मनोज सिन्हा होरें बी सब्बने शा बड्डी श्रीनगर च आयोजित रैली च शमूलियत कीती ही। म्हीनेवार रेडिया कार्यक्रम मन की बात च लोकें गी संबोधत करदे होई प्रधानमंत्री होरें आखेआ जे “हर घर तिरंगा” ते “पूरा देश तिरंगा” मुहिम पूरे देश च मती कामयाब रेई ते एहदे कन्नै जुडी पूरे देश थमां थहोई दी फाटुएं च लोकें दा जज्बा साफ लब्बा'रदा हा। उनें खूबसूरत डल झील पर कड्डी गेदी तिरंगा यात्रा ते चिनाह रेलवे पुल पर 750 मीटर लम्मे झंडा फड़ियै आयोजित तिरंगा रैली बारे गल्ल कीती। आर्थिक तौर पर दिखेआ

जाए ते तिरंगे दे रंगें च बनी दिएं चीजें दी बिक्री च बाद्धा होआ ऐ। स्वतंत्रता दिवस दे मौके पूरे देश च भाएं ओ धरती होए श्मान होए जां समुंद्र हर थाहर तिरंगे दा नजारा दिक्खने गी लब्धा।

<><><><><><>

J&K Polls

असैंबली चुनाएं दे पैहले गेड़ लेई नामांकन पत्र भरने लेई छड़ा इक दिन गै बकाया रेही गेदा ऐ ते चुनां लड़ा'रदियां सियासी पार्टियां अपने-अपने मेदवारें दे नाएं दी फेहरिस्त गी मुकदा रूप देने लेई दिनें-रातीं कमम करा'रदियां न। नामांकन भरने दी खीरी तरीक 27 अगस्त ऐ, की जे अज्ज जन्माष्टमी दी छुट्टी ऐ जेहड़े मेदवार पैहले गेड़ दे चुनाएं लेई अपना नामांकन भरना चांहदे न ते उनें अजें तगर नामांकन नेई भरे दा, ओह हुन 27 अगस्त गी गै नामांकन भरी सकदे न। नां ते अजें नैशनल कांफ्रेंस नै, ते ना गै कांग्रेस नै अपने मेदवारें दी फेहरिस्त जारी कीती दी ऐ की जे किश चुनां हल्के च नशिस्तें दी भ्याली दे बारे च उंदा आपें'च मतभेद ऐ। दौनें पार्टिएं हाल च गै चुनां शा पैहले आला गठबंधन कायम कीता हा ते सीटें दी भ्याली बारे गल्लबात कीती ही। केइए नशिस्तें गी लेइयै दौनें पार्टिएं दे लीडरें सख्त रौंह अपनाए दा ऐ जेहदे करी सीटें दी भ्याली पर कोई मुकदा फैसला नेई लैन होआ करदा। उआं मेद ऐ जे बीजेपी दे जम्मू कश्मीर असैंबली चुनाएं च खड़ोने आले मेदवारें दी फेहरिस्त अज्ज दपैहरी मगरा तगर जारी करी दित्ती जाग। पार्टी दी राष्ट्रीय चुनां कमेटी दी प्रधान मंत्री नरेन्द्र मोदी हुंदी अध्यक्षता च कल राष्ट्री राजधानी च लग्गी दी बैठक च एह फैसला लैता गेआ। पार्टी सूत्रें मूजब मीटिंग च मेदवारें दे नाएं गी मुकदा रूप दित्ता गेआ। पर मीडिया अग्गे नाएं दी घोषणा करने शा पैहले पार्टी फही पार्टी मेदवारें दे नाएं दा जायजा लेई सकदी ऐ। गुलाम नबी आजाद हुंदी सरपरस्ती आली डैमोक्रेटिक प्रोग्रेसिव आजाद पार्टी नै कल अपने 13एं मेदवारें दी फेहरिस्त जारी कीती। आम आदमी पार्टी नै 7एं मेदवारें दे नां जारी कीते ते अपनी पार्टी नै बी अपने किश मेदवारें दे नां जारी कीते न। तुसें गी चेता होग जे त्रऊं गेड़ें च होने आले असैंबली चुनाएं दे पैहले गेड़ दे चुनाएं तैहत दक्खन कश्मीर दिएं 16एं ते जम्मू संभाग दे त्रऊं जिलें डोडा, रामबन ते किशतवाड़ दिएं 8एं नशिस्तें पर 18 सितम्बर गी चुनां करोआए जाने न। असैंबली चुनाएं दे पैहले गेड़ लेई नामांकन भरने दी कल 27 अगस्त गी खीरी तरीक ऐ।

<><><><><><>

DEO Ramban

औने आले विधानसभा चुनाएं गी दिक्खदे होई जिला प्रशासन रामबन नै मतदाता जागरूकता मुहिम चलाई। स्वीप कार्यक्रम राएं मतदाताएं गी चुनां च भागीदारी बधाने आस्तै गैंइयां पुट्टियां जा'रदियां न। हायर सक्ैंडरी स्कूल, तीथर च जिला स्वीप टीम नै एसी-55 बनिहाल टीम रैलिएं इक जागरूकता कार्यक्रम दा आयोजन कीता जेहदे च बसनीकें, महिलाएं, शिक्षकें ते विद्यार्थिएं हिस्सा लैता। मजूद अधिकारिएं सरकार बनाने च हर इक वोट

दी भूमका बारे दस्सेआ। उनें लोकें गी आखेआ जे ओह छड़ा आपूं गै वोट नेई पान सगुआं अपने आले—दुआले दे लोकें गी बी वोट पाने आस्तै प्रेरित करन।

<><><><><><>

DEO Rajouri

जिला चुनां अधिकारी राजौरी अभिषेक शर्मा होरें औने आले विधानसभा चुनां दी तैआरिएं दे जायजे आस्तै लगातार जिला नोडल अधिकारिएं कन्नै बैठकां लाइयां। बैठकें च चुनां प्रक्रिया दे मुख्य उद्देश्यें पर चर्चा कीती गई, जियां मतदान केन्द्र च तैनात स्टाफ ते इलैक्ट्रानिक वोटिंग मशीनें गी पजाना, स्टाफ दा प्रशिक्षण, कंट्रोल रूम दी स्थाना शामिल हा। डीईओ नै सरबंघत अजेसिएं गी जरूरी निर्देश बी दित्ते।

<><><><><><>

Shah Terrorism

केन्द्री गृह मंत्री अमित शाह होरें कल आखेआ जे नशीली दुआइएं दा गैर कनूनी धंध, छड़ा भारत नेई गै नेई, पूरी दुनिया लेई इक चुनौती ऐ। उनें आखेआ जेकर पक्क ध्याई जा तां एहदे पर रोक लाना कोई मुश्कल नेई ऐ। उनें आखेआ जे इस गैर कनूनी कम्में कन्नै कमाया गेदा पैसा देश विरोधी गतिविधिएं जियां आतंकवाद फैलाने, नक्सलवाद ते मुल्खै दी अर्थबवसी गी कमजोर करने च इस्तेमाल कीता जंदा ऐ। कल रायपुर छत्तीसगढ़ च इक मीटिंग गी संबोधत करदे होई शाह होरें एहदे पर रोक लाने लेई चऊं फारमूलें गी अपनाने दी गल्ल कीती—पैहला नशीली दुआइएं दा पता लाना, फही उंदे नेटवर्क गी खत्म करने, शामिल शख्स दा पता लाने ते उसी हिरासत च लैने ते मगरा नशे च फसे दे लोकें दे पुर्नवास दी जरूरत पर जोर पाया।

<><><><><><>

Janmashtami

भगवान कृष्ण दा जन्म ध्याड़ा ठौगरें दा व्रत यानि जन्माष्टमी अज्ज पूरे जम्मू च पूरी श्रद्धा भाव कन्नै मनाया जा'रदा ऐ। श्रद्धालु बडलै सवेला थमां श्री रघुनाथ जी मंदर, बलराम मंदर, बांके बिहारी मंदर च जाइयै मत्था टका'रदे न। मंदरें दा शौहर ठौगर दे व्रत लेई पूरी चाल्ली सज्जे दा ऐ। राष्ट्रपति द्रौपदी मुर्मू होरें जन्माष्टमी दे पवित्र मौके पर देसै दे सब्बनें नागरिकें गीते विदेशें च बस्से दे भारतीयें गी शुभकामनां भेंट कीतियां न। अपने सनेह च राष्ट्रपति होरें आखेआ जे अज्जै दा ध्यार असेंगी भगवान श्री कृष्ण हुंदे आदर्श पर चलने दी प्रेरण दिं ऐ। उपराज्यपाल मनोज सिन्हा होरें जन्माष्टमी दे मौके पर लोकें गी दित्ती शुभकामनां भेंट कीतियां न। अपने सनेह च उनें आखेआ जे ठौगरें दे व्रत दे पावन मौके पर में सब्बनें गी शुभकामनां भेंट करनां।

<><><><><><>

Samba Janamashtami

जन्माष्टमी दे मौके पर सांबा जिले च श्रद्धालुएं दी बड़ी मती गिनतरी च ठौगर द्वारे जाइयै भगवान कृष्ण अगुँ मत्थर टका'रदी ऐ। घगवाल आले णतिहासिक नरसिंह देव जी दे मंदरै च लोकें भव्य शोभायात्रा च हिस्सा लैता। एहदा आयोजन डीसी सांबा हुंदी दिक्ख-रिक्ख च श्री नरसिंह मंदर कमेटी आस्सेआ कीता गेदा हा। डिप्टी कमीशनर राजेश शर्मा होरें शोभा यात्रा दा अधिकारिक तौर पर उद्घाटन कीता। इस मौके पर एसएसपी विनय कुमार बी उत्थें मजूद हे। एह भव्य शोभा यात्रा रघुचक्क, मलानील ते लाला चौक ग्राएं थमां लंघी ते लोकें पूरे धार्मिक जज्बे कन्नै एहदे च हिस्सा लैता।

<><><><><><>

DGP Tunnels

पुलस महानिदेशक आर.आर.स्वैन होरें संकेत दित्ता ऐ जे ओंदे विधानसभा चुनां दे पैहले आतंकवादी पाकिस्तान थमां जम्मू कश्मीर च घुसपैठ करी सकदे न पर ऐसी कुसा बी हरकत गी थम्मने आस्तै सुरखाबल पूरी चाल्ली तैआर न। इक समाचार पत्रिका गी साक्षात्कार दिंदे होई डीजीपी होरें आखेआ जे क्षेत्र च शांतिपूर्ण तरीके कन्नै चुनां करोआने आस्तै सुरक्षा बल वचनबद्ध न ते ओ इसीचुनौती दे रूपै च नेई दिखदे। उनें आखेआ जे अप्रैल-मई च होए दे लोकसभा चुनां च ओ ऐसे हालातें कन्नै निबड़ी चुके दे न ते नतीजे बड़े शैल निकले जिंदे च लोकें खरी मती गिनतरी च वोट पाए। विलेज डिफेंस गार्ड दे योगदान दी तरीफ करदे होई डीजीपी होरें आखेआ जे ग्रामीण रक्षा गार्ड गी नमें उपकरणें कन्नै लैस कीता जा'रदा ऐ ते बन्ने च पुलस स्टेशन बी स्थापत कीते जा'रदे न।

<><><><><><>

BSF

सीमा सुरक्षा बल नै भारत पाकिस्तान बन्ने पर पंजाब फ्रंट थमां नशीली चीजें ते थेआरें दी तस्करी गी अंजाम देने आस्तै बन्ने पारा ड्रेान हमले दी रोक आस्तै अतिरिक्त बटालियन दी तैनाती दी जरूरत जाहर कीती ऐ। अजें बल दी 20 बटालियनां 5 सौ किलोमीटर लम्मे सीमा दी रक्षा च तैनात ऐ जेहदे च 18 बटालियन बन्ने पर सक्रिय स्पै च तैनात न ते बाकी अटारी एकीकृत चौक पोस्ट अमृतसर ते करतारपुर गलियारा डेरा बाबा नानक, गुरदासपुर पर जरूरत साब्वै ड्यूटी करा'दियां न। इक होर बीएसएफ बटालियन दी जरूरत पंजाब बन्ने पर सुरक्षा गी होर निग्गर बनाने आस्तै दस्सेआ गेआ ऐ। इक वरिष्ठ अधिकारी नै आखेआ जे अजें निवेदन पर रक्षा मंत्रालय बक्खी गौर फरमाया जा'रदा ऐ।